


續修四庫全書

《續修四庫全書》編纂委員會編

續修四庫全書



上海古籍出版社

六四二・史部・地理類

〔光緒〕山西通志一百八十四卷首一卷（卷三十一至卷六十五）

〔清〕曾國荃 張煦等修 王軒

楊篤等纂

2453/02

山川考一

考二之一

山西通志卷三十一

旨監修

賜進士出身直隸平定縣知縣郭景衡等奉勅纂修

山詳脈絡先幹後支水記經流窮源委地志之恆例也晉古稱負險用武之國左太行右大河南連孟懷北通朔漠其間名山大川縱橫條貫旁薄數千里周回十餘郡言形勝者必首及焉唐一行以兩戒分野謂北戒自三危積石東至太華踰河並雷首底柱王屋太行北抵常山之右以華陰爲地絡之會以晉代當北紀山河之曲其說近世多有辨其非者然與禹貢刊旅濞源次第略相比附蓋自陞嶺以西其山羣表延而南而環以汾水地防之所屬也故介乎西者川皆近歸於河自晉陽以東其山皆橫互而北以極於塞垣

山西通志卷三十一

山川考一

一

神京之近朔中外之巨防也故介乎東者川皆分注於海爰志山自中條始而終以邊徼志水自河入塞始而次及浸澤於支派之分合名稱之同異徑涂之遠近形勢之險夷述之纂詳故事遺文間援爲證甄錄所及典要略備或亦柏駢傳經鄭亭作注之意也

中條山

鳴條岡

介山

砥柱山

王屋山

析城山

中條山禹貢之雷首也西起永濟之獨頭坡東訖垣曲之橫嶺間芮城平陸居其陽虞鄉解州安邑夏縣間喜居其陰山形倚阻首枕大河尾接王屋縣互二百餘里所在異稱有首山首陽山歷山陌山薄山襄山吳山甘泉渠諸名而虞坂白徑爲南出道尤奇險皆正幹也南支限於河近與厓杜相連北支旁衍其盤迴於汾涑之間者爲鳴條岡爲絳山爲潞

爲介山

禹貢壺口雷首正義曰雷首在蒲坂縣南

括地志雷首山一名中條亦名歷山亦名首陽山亦名薄

山亦名襄山亦名甘泉山亦名渠漸山亦名獨頭山亦名

吳山西起雷首東至吳坂凡十二名隨州縣分之杜氏通

在今河東縣北山凡有八名歷山首陽薄山襄山甘泉渠

伐渠蒲頭也太平寰宇記山有九名其一爲陶山云湯

在河曲之南也

史記商君列傳魏居嶺陝之西與秦界河而獨擅山東之

利索隱曰蓋安邑之東山麓陝陝之地卽今蒲州之中條

已東連汾晉之嶺嶺是也

蒲州府志兩漢及晉魏志多言首山雷首不及中條中

條之名蓋起後世

山西通志卷三十一

山川考二

二

謹案史記夏本紀湯伐桀桀走鳴條注鳴條在安邑

西左傳晉文侯以條之役生太子注條晉地皆不言

爲山山海經中山經薄山之首郝氏懿行云禹都安

邑故以薄山爲中山其說近是而經中所次之山自

甘泉渠諸歷兒吳林諸名外有蔥嶺薄山脫厓金星

秦威樞谷六山皆無可徵蓋不止十二名矣茲姑統

以中條從晉稱也別其支幹先西後東

其在河曲之中當永濟縣南者曰首陽山雷首之南阜也有

夷齊廟及墓雷水出焉西南流入河其東曰歷山亦曰三轄

山有舜祠舜井潞水之北出焉南流入河首陽之西曰獨頭

坡曰鳳凰山又南曰風陵堆與潼關對其北曰堯山雷首之

巔也與蒲坂對其近城者有筆架山八景山等

一

於大谷口

詩采苓毛傳云首陽在蒲坂南

史記舜耕歷山歷山之人皆讓畔正義曰括地志蒲州河

東縣雷首山一名中條山亦名歷山

漢書地理志蒲坂有堯首山注伯夷叔齊隱於首陽山

續漢書郡國志蒲坂有雷首山注伯夷叔齊隱於首陽山

馬融曰在河東蒲坂華山之北河曲之中蘇林注西京賦

首陽山黃河流於二山之間古語云此山本一山當河過

而曲行何神巨靈以手擘開其上以足踏離其下中分爲

兩山通河決今觀手注於華嶽上又河東有三駱山北曰

大駱西曰小駱東曰荀駱三山各距三十里舜所耕歷山

謂此地也

水經注蒲坂南有歷山謂之歷觀舜所耕處有舜井焉

二水出焉南曰嬀水北曰納水西經歷山下上有舜廟周

處風土記曰舊說舜葬上虞又記曰耕于歷山而始南刻

二縣界上舜所耕田于山下多梓樹吳越之間名梓爲楹

故曰歷山余案周處此志爲不近情傳疑則可證實非矣

安可假木異名附山殊稱強引大舜歷山嬀納言是則可

於彼乖矣河水南徑雷首山山西臨大河北去蒲坂三十

里尙書所謂壺口雷首者也俗亦謂之堯山山上有古城

世又曰堯城關駟曰蒲坂堯都按地理志曰縣有堯山首

山祠雷首山在南事有似而非非而似千載渺遠非所詳

耳河水又南凍水注之水出河北縣雷首山縣北與蒲坂

分山有夷齊廟爾雅十三州志山一名獨頭山夷齊所隱

也山南有古冢陵柏蔚然擢茂邱阜俗謂之夷齊墓也其

山西通志卷三十一

山川考一

三

山西通志卷三十一

山川考一

四

水西南流亦曰雷水穆天子傳曰壬戌天子至於雷首犬

戎胡憊天子于雷首之阿乃獻良馬六天子使孔牙受之

于雷水之干是也昔趙盾田首山食祁彌明祁左傳於野

桑之下卽於此也

元和志雷首山一名中條山在河東縣南十五里故堯城

在縣南二十八里

太平寰宇記鴆水出河東縣南三十里雷首山卽釐

降二女之所今有舜祠存焉後周宇文護所造

方輿紀要歷山在蒲州東南百里蒲州府志永濟上有歷

觀漢成帝元延二年幸河東祀后土因游龍門登歷觀是

也楊雄河東賦歷觀而遙望兮聊停輦以經營樂往苗

日在河東風陵堆在蒲州南五十五里相傳風后冢也亦

蒲坂縣

日封陵通典風陵堆南岸與首陽山之北有數峯橫立

拱揖州城中高旁下俗因名筆架山又南五里爲八盤山

又十里爲麻谷山

舊通志獨頭坡在永濟縣南四十里雷首一邱也突兀

當道外臨大河內穿蛟坂東入夷齊祠南遠望開樂史

太真外傳徙居永樂之獨頭村卽其地鳳凰山在縣南

七十里中條南麓盡處明張文毅墓誌銘嘗讀書中條

之鳳鳴山學者稱鳳磐先生

蒲州府志中條山在永濟縣東南十五里山有桃花元

女二洞及谷口蒼龍諸泉有萬固樓巖二寺並在山陰

谷口爲西麓若陵谷爲中麓其大谷口出泉處爲東麓

也梁鴻詩二水鄴氏次於河經雷首之前其水西流入

河梁鴻詩二水鄴氏次於河經雷首之前其水西流入

爲著陵谷諸水而方志皆謂在中條之南準其地望乃水經注之雷水所謂陽安瀾西南流注於河者媯河之水既移而南其雷水聚谷爲所牽混至莫詳所在而山北之水如著陵谷大谷口諸泉於古遂無可指名矣路史餘論歷山今河東縣之雷首山也其山九名一曰首陽臨河與太華對峙卽爲歷觀楊雄所云登歷觀以遙望者樂史謂偃師西北二十五里有舜廟舜井媯水泃水媯南泃北然後魏上谷記云下洛城西南四十里有潘城城西北三十里有歷山形如覆釜下有舜誓二祠云是舜居而齊之歷城南五里又有歷山水經注云上有舜祠縣東復有舜井亦云耕處實字記在縣東百步云舜之所穿又有華水與歷山井通曾子固云舜耕歷山漁雷澤陶河濱作什器於壽邱就時於負夏康成謂歷山在河東雷澤在濟陰而負夏則衛地皇甫謐乃

山西通志卷三十一

山川考一

五

謂壽邱在魯東門之北河濱爲卽陶邱乃定陶西北之陶邱亭耕稼陶漁皆舜之初年其地必不大相遠今皆在魯衛間則歷山不得獨在河東遂以爲娶後所居後世固有媯水而遷就之夫河東乃帝所生若所都歷城古歷下也其相去也遠矣耕漁之時徒以暫暇不顧卽荒野顧非日後就販之比其初未必違父母之側河濱雷澤其說未悉案九域志濟南濮陽河中皆有歷山俱存祠廟而今秦池陽澄陽始甯河縣上虞無錫亦皆有之列子云舜耕河陽書大傳舜陶河濱案元和志乃河東縣北四十里之故陶城蘇氏演義云歷山有四一河中二齊之歷陽縣三冀州四濮之雷澤雷澤不問有二耕漁必不相遠卽此爲是今曹濮間有舜蒙龍井

定陶城皆其蹤也然歷何止四哉信都之歷山樂史亦以爲舜耕在是援神契云舜生姚墟應劭謂與雷澤相近實字記在雷澤東十三里歷山在縣北十六今濮之雷澤西北六十有小山孤立謂之歷山北有小阜屬池目之姚墟邵謚緣之皆記舜耕之所而池之建德東十里更有堯城山縣南三十有堯城堯祠云堯巡所至梁武於此立太原府縣北二十爲舜城城有舜井有歷山上有堯舜之祠元和志謂是兩帝南巡所至而周處記始甯界復有舜所耕處一山多柞因謂樞山而以具區謂之雷澤以其中有大小雷山也王介甫從之妄矣夫使帝果南巡至此亦何預耕漁之日也且以姚墟之名在在而是金之西城故姚方媯墟杜佑謂舜生此而世

山西通志卷三十一

山川考一

六

本亦謂媯墟舜所都在西城今長沙縣有媯水云舜所都而上虞之損石號爲公嶽會稽又有媯水三撫之泉經之東入海圖經亦以爲釐降之地祝阿故縣又有濮水俗呼媯水原有姚英之廟水源山上有帝舜祠下開大穴謂之舜井究之泗源又有陶墟亦有舜井其西阜號媯亭山下有一漏澤方十五里指爲帝之所漁不知此乃桃墟謝息之所遷者水經注上虞一曰虞賓太康地記以爲避丹朱子所而雷澤亦非一周處謂是太湖故實字記引尙書釋言謂在震澤若陽城漢浚縣縣墨子言舜漁在此澤今在陽城西北十二郡國志言邑西今有地名舜田然今潭之益陽岳之沅江故梁之章華縣有虞帝城記亦謂是所都而述異記去湘水岸三

十有相思宮望帝臺志爲二妃之遊冷道臨武桂陽藍山等處悉有帝舜之祠藍山更有舜水舜鄉縣西十五里與永明西十五皆有娥皇女英之廟江華太平鄉有舜女寺即案歷城東南十里之廟晏氏三齊記在縣東南後人思舜而置廟也湘中記云地有舜之遺風人民純樸故老猶彈五弦之琴爲漁父詞莫不以爲虞帝之居豈盡信耶

謹案水經注以堯山即雷首山漢志則謂在堯山南是以首陽爲雷首然實一山相連在北爲堯山在南爲首陽耳觀鄭注於夷齊墓直謂其在雷首不復區別與漢志未嘗不合也府志曰禹貢所導山川並記其大雷首大矣故與壺口並舉明時論者謬指形勢

山西通志卷三十一

山川考一

七

乃以雷首首陽皆中條之餘支是知有中條而不知雷首胡謂云雷首之脈爲中條東盡於垣曲王屋殆得之矣又案曹大姑注通幽賦云夷齊餓於首陽山在隴西首陽戴延之西征記云洛陽東北首陽山有夷齊祠說文云首陽山在遼西史記正義備引之而據莊子伯夷叔齊西至岐陽見周武王伐殷北至首陽之山遂餓餓而死之文及詩中登彼西山語謂今謂源縣首陽山在岐陽西北明是夷齊餓處路史餘論有辨以爲夷齊之蹤當在河東首山是矣而誤以中條爲即首山案呂氏春秋夏后孔甲田於東陽實大丘山海經之稱又誤以許叔重言首陽在遼西當山與中條山全別又誤以許叔重言首陽在遼西當今遼之和順案和順雖有首陽山而地本戰徒滋人

或大抵古籍錯出傳聞異辭後人好古又多傳合實則首陽即雷首山之支峰也以其在雷首之陽故曰首陽耳他處無雷首安得有首陽則亦徒襲其名而守節乃規規於地道方向以求合獨不思莊子乃寓言而商都朝歌雷首正在邦畿之西所謂西山亦當就商都言之無因舍近徵遠略商言周也

雷首之東爲薄山亦曰襄山中條之脊也有蒙谷有禾樂澗東與芮城界山之北爲雲蓋峰爲焦嶺爲九峰東與虞鄉界水經河水又東過河北縣南注縣與湖縣分河蒙水出襄山蒙谷西南注於河河水又東禾樂澗水注之北出於薄山南流逕河北縣故城西故魏國也太史公封禪書稱華山以西名山七薄山其一焉薄山即襄山也徐廣曰蒲

山西通志卷三十一

山川考一

八

坂縣有襄山山海經曰蒲山之首曰甘棗之山共水出焉而西流注於河東則渠豬之山渠豬之水出焉而南流注於河如準封禪書二水無西南注河之理今診蒙水川流所趣與共水相扶禾樂溪水導源注於河又與渠豬勢合蒲山統目總稱亦與襄山不殊故楊雄河東賦曰河靈嬰陽掌華蹈襄注云襄山在潼關北十餘里以是推之知襄山在蒲坂溪水即渠豬之水也

寰宇記中條山在永樂縣北三十里渠豬水一名蒙水今名百丈澗源出縣北中條山山海經渠豬之水南流注於河是也禾樂澗水源出縣北中條山經縣東二里又南入河又西城縣下云中條山在縣北十五里高八里山薄狹而延袤故謂之中條亦曰薄山至王屋又至太行入海舊通志禾樂嶺有猶耳山玉簪山在純陽宮側玉洞在

中條之陽並距永濟縣百二十里

蒲州府志雲蓋峰在永濟縣東三十里中條之地高切雲表焦嶺在縣東南六十里焦盧里因里得名世傳淡末焦孝然結廬於此故稱後為焦盧九峰在縣東南六十里上有純陽宮純陽修真於此

謹案薄山山海經亦作蒲山蒲即薄之省文左傳蒲姑史記云蒲姑知二字古相通矣袁宇記首陽山遷迤連延南北狹薄謂之薄山蓋望文生義也封禪書薄山者襄山也索隱云在今芮城北與中條山相連穆天子傳天子南登薄山冀輪之陸郭注今在河東大陽水經注鹽水出薄山則自永濟以東山之南北晉有其名不得舉一峰以當之也

山西通志卷三十一

山川考

九

薄山之東為方山一名鹽道山亦曰檀道又名百梯山在虞鄉西南七里其東曰五老峰皆北臨五姓湖而南與芮城分

山

水經注晉興澤今五姓湖南對鹽道山其西則石壁千尋東則礮溪萬仞方嶺雲回奇峰霧舉孤標秀出羣絡羣山之表

翠柏蔭峰清泉灌頂郭景純云世所謂鸞漿也發於上而

潛於下矣厥頂方平有良藥神農本草曰地有活固女疎

銅芸紫苑之族也是以繙服思元之士鹿裘念一之夫代

往遊焉路出北嶽勢多懸絕來去者咸援蘿騰釜尋葛降

深于東則連木乃陟百梯方降巖側縲鎖之迹乃今存焉

故亦曰百梯山也水自山北流五里而伏云潛通澤渚所

未詳也

元和志檀道山一名百梯山在虞鄉縣西南十二里山高萬仞躋攀者百梯方可升降故曰百梯山南有穴莫測淺深每有勅使投金龍於此兼醮焉

寰宇記方山祠在虞鄉縣西二十里五老山在永樂縣東北一十三里堯升首山觀河渚有五老人飛為流星上入昂因號其山為五老山又五老仙人祠在虞鄉縣西一十七里案唐永樂縣今永樂鎮山去縣約三十餘里云十三里似倒檀道山在城西南一十三里一名百梯山山海經虞鄉有梯山山上有帝臺之漿也案山海經今山下有水潛出停而不流俗謂之養漿其頂方平如壇多產良藥百梯方可升故曰百梯山南有投龍穴莫測深淺記於解州又云養漿在解州南一十五里呼為天池上有養漿山海經云高泉之一名鍾山水澄潭為寒而清謂之帝臺郭璞注云今河東解縣檀道山有泉水

山西通志卷三十一

山川考

十

商休而不又云方山一名雷首山在芮城北二十一里

舊通志檀道之高與華爭雄水經注曰石壁千尋礮溪

萬仞即今青石掌洪流崖也方嶺雲回厥頂方平此方

山所由名也繙服鹿裘之遊謂靈峰塔院也連木乃升

百梯方降今之百梯村其遺名也張文毅之展至蒲州

草坪而止記養漿泉似誤若明一統志檀道山在解州

南五里中有養漿泉此耳食之誤不足置辨

蒲州府志方山即山海經檀首山也駕漿泉已湮相傳

其下至深怪物宅焉明隆慶間淫雨或言方山白龍為

祟御史邵永春以鐵牌黑犬厭之是夕大雷雨拆山巖

塔龍移漱去五老峰在方山東去虞鄉縣西南十里峭

壁千尋援鐵絙而上山有雷公洞上洞在歸雲巖下洞

友也表聖詩 藏雲洞 在蘆葦泉南泉味甘孤雲子崇泰
雙人依木立 無隔塔錯列上爲八仙洞北高峽
澤城沒

右中條西幹在蒲州府永濟虞鄉二縣者

自薄山以東爲中條之中幹橫互於解州四縣之境山脊通
名爲橫嶺曰直谷嶺在州南其陽有太峰清風嶺甘棗山青
龍洞石鐘洞而東北至於涇水之源爲芮城之北山曰白徑
嶺在州東南其陽有吳山石門天井山巖輪坂風風山而東
南至於傅巖爲平陸之北山

穆天子傳天子自賓輪乃次于涇水之陽注今之涇津也
在河東河北縣 案說文作邱宏農縣地後氏曰虞衡作
河北有涇水故 誠字之誤地水經注河本於此有涇津以
有涇津之名也

史記正義薄山在芮城縣北十里

山西通志卷三十一 山川考一 十三

郡國志大陽有吳山上有虞城有顯幹坂注虞城亦謂吳
城史記秦昭王伐魏取吳城卽此城也博物記顯幹坂在
鹽池東吳城之北今之吳阪

水經注沙澗水出虞山東南徑傅巖歷傳說隱室前俗名
之爲聖人窟孔安國傳傳說隱於虞號之間卽此處也傳
巖東北十餘里卽顯幹坂也有東西絕澗左右幽室窮深
地壑中則築以成道指南北之路謂之幹橋也傳說備隱
止息於此高宗求夢得之是矣橋之東北有虞原原上道
東有虞城堯妻舜以嬪於虞者也周武王以封太伯後虞
仲於此是爲虞公晉太康地記所謂北虞也城東有山世
謂之五家冢上有虞公廟其城北對長坂二十許里謂之
虞坂戴延之曰自上及下七山相重戰國策曰昔虞驩

鹽車上於虞坂延延負轅而不能進此蓋其困處也橋之
東北山溪中有小水西南注沙澗亂流徑大陽城東河北
郡治也沙澗水南流注於河河水又東左合積石土柱二
溪並北發大陽之山南流注于河是山也亦通謂之爲薄
山矣穆天子傳曰天子自盛已丑南登于薄山賓輪之登
乃宿于虞是也

元和志通路自解縣東南踰中條山出白徑趨陝州之道
也山嶺參天 左右壁立間不容軌謂之石門路出其中謂
之白徑嶺焉

寰宇記虞城在平陸縣東五十里虞山上虞坂一名吳坂
在虞城北二十三里傳巖在縣東二十五里

方輿紀要壇道山在解州南五里與中條山相連謂之石

山西通志卷三十一 山川考一 十四

門路通河南寶津渡卽涇津也

舊通志橫嶺在解州五龍谷由谷西上十五里乃中條
山脊也上有墩蹟北漢防朱遶過之路橫嶺南爲山之
陽跨芮城平陸橫嶺北爲山之陰跨解州安邑夏縣聞
亭在平陸縣北四十五里直衝嶺在州西南白龍谷八里
由谷陟嶺白徑嶺在州東南十五里

芮城縣志太峰在方山東水谷之上百二十盤在縣北
中條山之陽石磴回旋北達虞鄉至清風嶺又盤折而
下卽王官谷甘棗山在縣東北三十五里青龍洞在縣
東二十里今名刺林溝參水出焉 案參水亦作共水石
鐘洞在縣東北三十五里有石室頂懸石鐘水注其下
蔣兩多應直谷嶺在甘棗山東今名橫嶺 案蔣兩多應直谷嶺在甘棗山東今名橫嶺

面谷嶺爲赴郡省路南二十里屬南二十里屬解州
縣界南四十里之窄者恒泉源山中條山直谷
嶺下檀道嶺在直谷嶺東自方山至檀道嶺中條之
析名也

平陸縣志吳山在縣北五里自中條山連絡南下形跨
川原路史殷時有吳伯今陝之平陸有吳山石門在縣
西北四十里也與解州分山天井山在縣西北四十
里三峰平時中峰獨高俗名筆架山爲縣治來脈之祖
嶺志又名鳳凰山縣北三十里兩翼隆起分左右而下
上建大郎廟有古柏大數十圍千年物也

謹案括地志雷首一名吳山雖指中條之全體而言
而實爲平陸以北諸山之專稱以吳虞同字縣之北

山西通志卷三十一

山川考一

十五

境悉古虞國地也故水經注於交澗諸水直云北出
吳山則自檀道以東幹輻以西皆有其名縣治第舉
城北之一阜俗名神圪塔者以當之非也又秦史記
虞仲吳越春秋作吳仲吳雖虞之同聲省形字古多
通用不虞不驚石嶺虞人書爲吳人然周章之弟所
封其始亦實爲吳故有北吳及西吳之稱以別於秦
伯之國其後乃因吳有虞音遂以北吳易爲虞也而
習稱既久其山川城邑至後世猶相仍不改故虞城
虞山虞坂多書爲吳也鄭注以虞城爲虞舜地殆不
然矣

直谷嶺之東爲五龍谷白徑嶺之東爲分雲嶺皆名勝也在
解州界又東爲虞坂俗名青石槽南出陞道也相近有銀谷

二耶谷車輞谷並在安邑界虞坂之東爲王峪或以爲王官
谷也在夏縣界皆北臨鹽池當橫嶺之陰

水經注河東鹽池謂之鹽山海謂之鹽販之澤也澤南面
層山天巖雲秀池谷淵深左右壁立間不容軌謂之石門
路出其中名之曰徑南通上陽北暨鹽澤

寰宇記分雲神祠在安邑縣西南四十里中條之陰特標
諸峰山嶺出雲東西分散遂號分雲又有風谷每風出吹
沙飛石樹木皆摧俗謂之鹽南風其祠見存案據距解州
四十里故各志皆記之舊通志云在白徑嶺東十五里
時鹽池之上相傳爲中條山下有風谷洞形似半井側有
鹽風洞洞口似中條山縣南二十里其山西連華嶽東接
太行有路名曰虞坂春秋僖公二年晉荀息請以風產之
乘垂棘之璧假道於虞以伐虢卽此路銀谷在縣西南三

山西通志卷三十一

山川考一

十六

十五里中條山下隋開皇十九年於此置鹽池又記有鹽
縣東南八里有女在中條山得道云
云亦名玉女溪縣志卽州志仙女洞也
運司志中條山在鹽池南五里絕巖奇峰層見疊出地
西王官谷谷東二十里有靜林寺高峙翠微古柏森蔽
靜林寺東十五里爲桃花洞昔人見洞旁冬出桃花故
名東上八里爲直谷嶺少東爲荻子谷又東爲五龍谷
在解州正南其東岫有石巖巖水飛瀝而下俗曰石巖
噴雪巖上有酒島字谷口西上南十里爲橫嶺卽中條
山脊其下爲弓張溝又東爲堡子谷又東爲仙女洞亦
名元女洞其中積水成潭名黑龍潭潭有應潭東十
里爲大虎谷谷中有將軍堡堡後有鳳凰嘴嘴西過連
雲棧至橫嶺有陽關岩岩下有勝簪窟又東爲檀道谷

亦有騰蹇窟又東南為白徑嶺雙石壁立左右參天中不容軌亦名石門即秦敗晉師於石門處也又東十五里為分雲嶺稍西有風谷洞若於井投葉即飛風出則雷沙拔木其旁又有鹽風洞洞口若盆仲夏應候風出其聲隆隆俗謂之鹽南風池水得此一夕成鹽又東為車轆谷谷有銀沙洞禁不採又東為二耶谷中多巖洞又東為虞坂一名鹽坂俗曰青石槽在安邑東郭村南舊通志王峪口在夏縣南橫嶺東西距王官谷百里嶺南水入黃河嶺北水由峪口出夏縣志虞坂山在縣南十五里俗名三橋據有路通平陸案即入王峪口道也

謹案王峪西通王官谷水經注云涑水西徑王官城北城在南原上春秋左傳晉侯使呂相絕秦曰俘我

山西通志卷三十一

山川考一

十七

王官是矣今世人猶謂其城曰王城詳鄭注所謂南原乃聞喜之南原元和志王官故城在聞喜縣南十五里是也而方志皆以王官城在虞鄉王官谷即在其南考夏縣王峪之南為平陸之軫橋即古顯輪坂也又南有古茅城又南則茅津渡為入陝州之通路傳稱秦伯伐晉取王官及郊遂自茅津濟史記鄭作鄆杜注地並闕以當時形勢考之似旋師即由王峪路而王官與郊必逼近絳都之地實在聞喜夏縣境王官谷之稱王峪亦猶王官城之稱王城谷古讀如王峪其後增字也

右中條之中幹在解州及州屬四縣境者

自橫嶺以東其山旁溝深阻南枕大河北絕涑源盤回於絳

解之交為中條之東幹以橫嶺關為大限明史地理志垣曲西北有橫嶺背通檢司

舊通志橫嶺山在垣曲縣西八十里嶺上分垣絳界背有橫嶺關巡檢司在絳縣南四十里名大橫嶺

其在平陸境者曰清涼山曰將軍漢西臨沙澗南直三門又東曰錐子山曰箕山曰峪口山並有澗南入於河為十九灘以北之山

水經注河自砥柱以下五戶已上其間百二十里有十九灘水流迅急勢同三峽

平陸縣志清涼山在縣東北七十里古虞城北乃條山一脈山頂曠闊四望無際俗謂四州圪塔蓋可以目極蒲解絳陝也將軍漢在縣東北六十里石壁千仞下有

山西通志卷三十一

山川考一

十八

洞俗名鑼鼓洞相傳宮之奇以其族行避此錐子山在縣東九十里孤峰似錐層巒旁列唐志三錐山當即此曉崑山在縣東六十里東接錐子山洗耳河發源於此晚照臺在縣東八十里拔地千尋壁立如削西日回射紫光掩映箕山在縣東九十里旋徑危峰其形如箕相傳許由巢父隱於此中有許由冢下有清澗名洗耳河云巢父洗耳處沙澗在縣東二十五里黑龍潭在縣東一百二十里峪口村有東西二峪從西峪入連峰四起峭壁夾立捫蘿緣崖約行二十里山合如瓊而缺其前一水自巔分兩磴而下上瀉為龍潭下為風潭潭水出峪口至南溝入河麥南溝今設汛西至茅津渡一百里謹案箕山之名所在多有後人傳合殊不足辨據史

記齊世家西伐大夏涉流沙流沙蓋汾池之東馬車登太行至卑耳山而還索隱曰卑耳山在河東大陽縣齊語車東馬論太行與卑耳之為博物志山在解縣以左傳至高梁國語論太行之言證之當是今縣東境且縣東北之虞城史記謂之故夏墟亦與西伐大夏有合也呂氏春秋味之美者大夏之鹽史明堯左傳杜注而縣境無山以當之疑洗耳與卑耳聲相近相沿成謠遂以山名為木名以巢由事相附會耳

其在夏縣境者為巫咸山鹽水出焉其南曰柳谷曰柏塔曰玉溪洞又南曰皇川山東豁洞即平陸豁口之上源也連銀穴銅穴諸山其北曰瑤臺曰雲谷曰翠巖北連景山而東至

溫泉山與垣曲界

漢書地理志安邑南有巫咸山

水經注鹽池上承鹽水水出東南薄山西北流徑巫咸山

北地理志曰山在安邑縣南谷口嶺上有巫咸祠其水又

徑安邑故城南又西流注於鹽池地理志曰鹽池在安邑縣西南

唐書地理志平陸有琴瑟穴銀穴三十四銅穴四十八在

覆金三維五岡分雲諸山

寰宇記巫咸山一名覆奧山皇川在縣東南五十五里中

條山內舊舊相傳夏后避暑離宮之所

方輿紀要巫咸城在夏縣南五里相傳殷巫咸隱此水曰

巫咸頂一名瑤臺頂下有谷亦曰巫咸谷水經注鹽水流

山西通志卷三十一 山川考一 十九

徑巫咸谷是也柳谷在中條山中唐貞觀十一年幸柳谷觀鹽池又貞元中陽城以學行著聞隱居柳谷之北是也夏縣志柏塔山在縣南二十里有柏千株中一柏瑤瑰磊落獨大於眾號柏母人呼山為鳳凰頭又名抱璞山柳谷在縣南十五里唐陽城寓居於此今其地名陽公鄉舊志謂即柳宗元居不知何據集賢閣陽城隱初谷乃張掖郡柳谷尤瑤臺山高一里許孤峰峭拔蒼翠摩空山有雷公祠玉溪洞在縣東南七里中條山谷間俯瞰溪流石巖鑿玉溪二字溫公嘗隱此讀書翠巖山在縣東二十里青翠可掬徧五數十里北入聞喜界雲谷山在縣東南三十里數峰崇聳中有大谷谷中雲起輒雨古石碑一名將軍嶺雲谷北峰也陟其巔離海洪

山西通志卷三十一 山川考一 二十

河舉在目焉溫泉山縣東百里一名牛首山陶宏景古

今刀劍錄夏孔甲八年九月採牛首之鐵以鑄劍即溫

泉山也上有寶洞

案唐志所稱銀穴銅穴諸山惟分雲嶺著於方志與

安邑之銀谷近三維山在垣曲北去平陸甚遠疑三

維當是石錐在夏縣雲谷之南然則覆金五岡諸山

當在雲谷溫泉之間悉中條之支麓也

景山亦曰湯山在聞喜縣東南六十里景水出焉北流入涑

逕西有羣姑峰鐵牛峪山北平原則美良川也遶東有秦王

敬觀音山九龍山紫屏山皆清嚴山之支也與垣曲絳縣界

詩景員惟河渠傳或曰景山名商所都也見殷武卒章春

秋傳曰商湯有景亳之命是也

晉語景霍以爲城汾河凍澮以爲淵

水經注澮水又與景水合水出景山北谷山海經曰景山南望鹽販之澤北望少澤其草多藎莫泰椒其陰多藉其陽多玉郭景純曰鹽販之澤即解縣鹽池也接經不言有水今有水焉西北流注於澮水也

五朝志開喜有景山

元和志景山在開喜縣東南十八里

金史地理志開喜有九龍山湯山澮水

方輿紀要湯山在縣東三十里以上有成湯廟而名山產銅唐置銅冶於此寰宇記縣東南十八里有景山也

稽古編景山之名皆後人因詩而傳會爲之耳寰宇記景山在廢絳氏縣西南八里絳氏今屬河南府偃師縣是西

山西通志卷三十一

山川考一

三

毫有景山也又云景山在應天府楚邱縣北三十八里宋應天即今歸德府所謂穀熟南毫也其北五十里大蒙地即所謂北毫蒙也括地志亦謂蒙城爲景毫因景山得名是南北二毫之間亦有景山也寰宇記又云景山在澶州衛南縣澶州今大名府開州水經注亦言濟水北徑已氏縣又北徑景山而引衛詩證之則是三毫之外別有景山也衛南之景山因鄘風而得名縑氏應天之景山因商頌而得名皆好事者之傳會作詩時未必先有此名而朱傳以商頌之景山爲山名徒據左傳景毫之語遂謂景山之名湯世已有之耳然景毫連文定是地名非山名也

開喜縣志秦王橫在湯山東相傳秦王屯兵處盤盤山在秦王橫東盤姑峰在湯山西峰上有鎮風塔盤姑廟

鐵牛峪在縣南三十里中有興國寺唐僧智真住錫處觀音山在縣東南九十里劉莊隆一峰突出下纒上鉅焦山在縣東五十里高埒湯藥空翠如削臺峙雲霄即三峰山開喜志以爲金志之九紫屏山在縣東四十里姚村後山列如屏懸崖千丈其色紫故名澮水經城南門外

開喜志對太宗與尉遲敬德戰美良川通鑑綱目注曰美良川在蔚州謬甚考唐書劉武周傳夏縣人呂崇茂殺其令以應賊詔永安王李基于筠獨孤懷恩唐俊等攻夏縣不克軍城南崇茂與尉遲敬德戰破李基軍四將被執敬德還滄州王遼戰破之於美良川太宗紀武德二年十一月出龍門關屯柏壁柏壁在絳州而滄州

山西通志卷三十一

山川考一

三

即翼城武德元年所置也敬德自夏縣還滄州太宗自柏壁而出邀之戰地合在開喜豈有兩軍各舍當星行二千里北博一戰於蔚州者况開喜之美良川歷見於宋元碑碣至今終未改也

謹案山海經景山南望鹽澤晉語景霍以爲城爲山名見傳記之最古者然前人未有舉以證商頌者緣皆以商都之毫在大河南故言景山者皆於三毫間求之而其地殊無大山可符其名即漢魏諸儒亦未言景毫因景山爲名者考垣曲西北十五里之古毫城寰宇記以爲湯克夏歸至毫在此開喜西南八里之桐鄉故城隋圖經亦謂即伊尹放太甲於桐宮之所均在景山百里間山連中條亦稱薄山水經注薄山在秦王橫東盤姑峰在湯山西峰上有鎮風塔盤姑廟

絳縣志橫山在縣南四十里東南跨垣曲界名大橫嶺
凍水出嶺之乾河伏流盤東地中至聞喜縣界始出而
西流云乾河詳下王屋山冷口峪在縣南十五里四時
多風盛暑恆冷

謹案清廉山後魏以名縣與清襄實一山襄蓋廉之
譌文鄭氏以清水所出為清廉洗水所出為清襄偶
未照會耳其清營清野亦一聲之轉也

右中條東幹在夏縣聞喜絳縣垣曲境者

中條餘支漫衍於凍水之陰者為鳴條岡在安邑縣西北二
十五里東有玉鈞山與岡相屬其別阜之臨水者曰香山在
聞喜縣南曰干佛嶺在猗氏縣南

史記夏本紀湯率兵以伐夏桀桀走鳴條正義曰括地志

山西通志卷三十一 山川考一 三五

云高渚源在安邑縣北其南阪口即古鳴條陌

寰宇記鳴條陌在縣東北一十五里案漢書地理志云鳴

條陌在安邑西北漢安邑在今夏縣尙書伊尹相湯伐桀升自陂

遂與桀戰於鳴條之野孔安國云地自安邑之西桀逆拒

湯在河曲之南其地在縣北二十里是也玉鈞山在縣東

北二十里其山東西一十里勢如玉鈞因此為名

聞喜縣志香山在縣東南三里和傳裴晉公還帶處上

有晉公祠

猗氏縣志千佛嶺自聞喜香山來至縣西香落村止凍

水西流過源頭村將南行嶺隆起逼捍之

其盤折於凍水之陽北抵淪水者為絳山亦曰紫金山在絳
縣北十五里絳水出焉北流至曲沃入淪曰青玉峽曰風洞

曰水巖曰郝家山曰觀音山曰四枝寨並在曲沃南而西盡
於聞喜東北之晉原為三峽山晉原者裁眉原之首北臨汾
淪西屬大河有柏林山在聞喜界石礎山在夏縣界二疑山
在臨晉界悉其岡阜也其最著者為稷山介山

水經注淪水又西南與絳水合俗謂之白水非也水出絳

山東寒泉奮湧揚波北注懸流奔壑一十許丈青崖若斷

黛素滿如委練望之極為奇觀矣其水西北流注於淪應

劭曰絳水出絳縣西南蓋以故絳為言也

元和志絳山在曲沃縣南十三里山銅鉤

寰宇記絳山在絳縣西一十八里西入聞喜縣界東距白

馬山絳水一名沸泉水出絳山東谷

方輿紀要紫金山在曲沃縣南十三里產銅山半有泉下

山西通志卷三十一 山川考一 三五

注懸崖冬則凝而成冰一名冰巖山開山圖謂之絳山

傳通志紫金山在聞喜縣東七十里盤盤山東二十里

接曲沃界山之西名為鳳凰原絳山有南北西三峰北

峰尤高山下有沸水一名紫金山草木不生土色赤州

縣晉取名焉產鐵石礎山在夏縣西北七十里石礎里

稷王山之支山也石礎即峨嵋之高阜大疑山小疑山

並在臨晉縣東北三十五里二山南北並列故志曰二

疑五朝志桑泉有三疑山金志臨晉有三疑山而明統

志止書大疑小疑

曲沃縣志紫金山在縣南十三里西南接中條王屋在

其東南產銅迤西為郝家山明初郝郡中郝修己沒官

區又西為水巖見方輿紀要及觀音山志云絳山在觀音山

之通稱也 紫金山頂絕壁如削名四棱寨一名紫棱東
可指別 有風洞青玉峽在風洞東南北二里許東西兩崖對出
絳水北趨峽激之下注爲景明飛瀑即水經注所謂奔
壑十一許丈者也

聞喜縣志峨嵋嶺在縣北三里由鳳凰原而北迤邐漸
高行二十餘里四圍皆爲平原即晉原也晉城在焉又
北數里下瞰絳州其廣五十餘里晉原即清原左傳晉
蒐於清原也杜注在聞喜北柏林山在縣西三十里下
爲疊水崖再入爲蒿峪

絳州志峨嵋坡在州南二十里隸州境四十里東臨曲
沃南隸聞喜

稷山縣志峨嵋嶺在縣南四十里東西袤二十里迤高

《山西通志卷三十一

山川考一

三

九里八十步盤踞十五里山有兩峰巒環凝翠望若修
眉

河津縣志峨嵋嶺在汾水南即汾原聯萬泉榮河境

萬泉縣志峨嵋嶺邑境隸其嶺

榮河縣志峨嵋坡在城東迤高四里北連聞喜南貫臨

晉亦多平原東南一峰差盤日靈吉南坡曰亞夫北坡

曰寺底曰風坡曰倉李曰長安又北爲后土廟爲孫石

崖形勢聯絡后土白馬二阜左右相顧坡間有大溝曰

百峪

臨晉縣志峨嵋原在縣北五里自聞喜之嶺口迤邐連

夏縣猗氏又連縣境

猗氏縣志峨嵋坡在北門外

解州志峨嵋坡在鳴條岡北東自曲沃西抵黃河州北
境倚焉延袤至城東五里豐池北岸

安邑縣志峨嵋嶺在縣北四十五里鳴條岡西上多平
壤隸縣境東西袤二十七里

聞喜縣志上林賦凌三嶮之危郭璞三蒼注三嶮山在
聞喜史記湯遂伐三嶮俘厥寶玉孔安國以爲國名樂
走保之今定陶也正義亦同愚意此間地名多誤指爲
定陶者亦泥濟陰而誤耳不思陶邱東出者爲濟陰沈
水東流者獨非濟陰乎況此地既有董父潁川之封見
春秋傳矣潁嶮與本一地特字有繁省耳郭璞親爲茲
邑人見聞必稱孔傳偶書今已昭昭而可據乎且史記
明云桀奔鳴條湯伐三嶮矣注引孔亦解爲樂保三嶮

《山西通志卷三十一

山川考一

三

何又在定陶乎爲守節者何不信其景純而信偽安國
乎三嶮果否董父之後固無明文而其不在定陶也斷
斷然矣通志謂即縣東焦山非蓋焦去參龍池稍遠不
合潁川之地恐卽是紫金山紫金於縣東最高有三峰
今俗名三縣頂謂一近曲沃一近絳一近聞喜也楊雄
校獵賦注三嶮言三峰聚也稱嶮字義更合

稷山亦曰稷神山在稷山縣南五十里

水經注汾水又徑稷山北在水南四十許里山東西二十
里南北三十里高十三里西去介山一十五里山上有稷
祠山下有稷亭春秋宣公十五年秦桓公伐晉晉侯治兵
於稷以略狄土是也

太平御覽附圖經曰稷山在絳郡后稷播百穀於此山